



JUDICIAL SYSTEM MONITORING PROGRAMME

PROGRAMA MONITORIZASAUN BA SISTEMA JUDISIÁRIU

***Komunikadu Imprensa***  
***Parlamentu Nasionál***  
**15 Jullu 2015**

### **Parlamentu Nasionál aprova proposta alterasaun ba Lei Lideransa Komunitária no nia Eleisaun**

Iha 13 Jullu 2015, liu husi Reuniaun Plenaria Parlamentu Nasionál, deputadu sira halo votasaun finál glóbal no aprova Proposta de Lei n.º 28/III (3ª) – Primeira Alterasaun ba Lei n.º 3/2009, de 8 de Julho, kona-ba Lideransa Komunitária no nia eleisaun. Proposta alterasaun ba lei ne'e pasa ho votus a favor: 56, kontra: 0 no abstensaun: 0.

Diskusaun ba lei ne'e tuteladu iha Komisaun A nia responsavel hodi hala'o diskusaun iha espezialidade durante lora rua antes tama iha votasaun finál global. Artigu ne'ebé governu propoin atu halo alterasaun mak hanesan artigu 3 kona-ba prazu limite ba eleisaun to'o Outubru 2016, artigu 4 kona-ba extensaun ba mandatu lider komunitaria to'o pose lideransa foun inklui artigu 26 kona-ba konvokasaun ba kalendariu eleisaun.

“JSMP apresia inisiativa no esforsu Komisaun durante lora rua hodi fináliza alterasaun ba lei refere no espera katak ho lei foun ne'e bele fó espasu ba orgaun administrasaun eleitoral sira hodi prepara eleisaun ne'ebé kridivel no transparante iha futuro, dehan Diretór Ezekutivu JSMP, Luis de Oliveira Sampaio.

JSMP mós apresia ho prosesu diskusaun ba lei ne'e, ne'ebé involve mós entidades relevantes sira iha audiénsia públika antes tama iha diskusaun espezialidade. Tanba ne'e, husu atu Komisaun bele kontinua uja mekanismu ida ne'e hodi enkoraja públika atu partisipa iha prosesu lejislasaun.

JSMP mós enkoraja Meja Parlamentu Nasionál no Komisaun A atu aselera prosesu diskusaun ba lei importansia sira seluk ne'ebé sei pendentu antes tama ba iha tinan lezislatura foun. Lei hirak mak hanesan Lei Anti Korrupsaun, alterasaun ba Lei Pensaun Vitalisa no seluk-seluk tan ne'ebé sei bele afeita ba kaduka.

Atu hetan informasaun kle'an favór kontaktu direktamente:

Luis de Oliveira Sampaio  
Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

Telefone: 3323883 | 77295795

Website: [www.jsmp.tl](http://www.jsmp.tl)

Face book: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMPtl